



## Publicaziuns officialas dils 17-04-2020

---

### Damondas da baghegiar

Nr. 38/2020

Datum da publicaziun: 17-04-2020  
Patrun: Forster Ulrich, 7173 Surrein  
Liug e parcelas: Plazzas; 1475  
Object: montascha da barcuns

Nr. 45/2020

Datum da publicaziun: 17-04-2020  
Patrun: Steiner-Mathiuët Judith, 7173 Surrein  
Representant: Biro d'inschignier Deplazes, 7173 Surrein  
Liug e parcelas: Dandengiels, Falens, Pardatsch, Cuas;  
6547, 6375, 6765, 6595  
Object: construcziun da vias da cultivaziun

Nr. 46/2020

Datum da publicaziun: 17-04-2020  
Patrun: Stakraft AG, 6340 Baar  
Liug e parcelas: Clavadi; 4915  
Object: construcziun d'in casa da habitar e da fatschenta

Nr. 47/2020

Datum da publicaziun: 17-04-2020  
Patrun: Berther Flurin, 7172 Rabius  
Liug e parcelas: Tschuppina; 325  
Object: midada d'intent da nuegl en local d'urdeins, adattaziun via d'access,  
engrondaziun dallas portas

Nr. 48/2020

Datum da publicaziun: 17-04-2020  
Patrun: Berther Flurin, 7172 Rabius  
Liug e parcelas: Tschuppina; 4758  
Object: remplazzament da finiastras

Il profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da  
baghegiar Sumvitg enteifer 20 dis dapi il datum da publicaziun.

Sumvitg, 17-04-2020

*Cumissiun da baghegiar*

## **Annunzias da baghegiar**

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

### **Nr. 03/2020**

Herger Hans, 7175 Sumvitg; prender ora crappa dalla parcella nr. 6752 a Sumvitg-Val.

### **Nr. 22/2020**

Maissen Roland, 7172 Rabius; lavurs da manteniment vid sems-finiastra e remplazzament da barcuns dil baghetg nr. 455 sin parcella nr. 278 a Rabius-Cavivens.

### **Nr. 24/2020**

Eder-Bauermeister Regula, 8496 Bauma; lavurs da manteniment vid mirs dils baghetgs nr. 573 e 573A e megluviar via da cultivaziun sin parcella nr. 4265 a Surrein-Chischnès.

### **Nr. 25/2020**

Societad da condomini parcella nr. 265, 7172 Rabius; lavurs da manteniment, colurar fatschadas e barcuns vid baghetgs nr. 691A e 691B sin parcella nr. 265 a Rabius-II Fraissen.

### **Nr. 27/2020**

Candinas Robert, 7130 Glion; sanaziun dils mirs dil baghetg nr. 567A sin parcella nr. 4307 a Surrein-Tuma.

### **Nr. 32/2020**

Bundi Martin, 7175 Sumvitg; prender ora crappa dalla parcella nr. 6054 a Sumvitg-Chischliun.

### **Nr. 31/2020**

Herger Hans, 7175 Sumvitg; adattaziun dil terren dalla parcella nr. 6413 a Sumvitg-Vals.

### **Nr. 33/2020**

Bundi Martin, 7175 Sumvitg; spazzar baghetg nr. 228B, prender ora crappa ed ulivar terren dalla parcella nr. 6312 a Sumvitg-Planatsch.

### **Nr. 35/2020**

Caprino Natalino, 7172 Rabius; sanaziun mir da crappa sin parcella nr. 134 a Rabius-Caltgera.

### **Nr. 36/2020**

Bearth Giochen, 7175 Sumvitg; nova cuvrada per plaz per cavals sin parcella nr. 6233 a Sumvitg-Bigliel.

### **Nr. 41/2020**

Monn Franz, 7175 Sumvitg; sanaziun dil tetg dil baghetg nr. 719 sin parcella nr. 3934 a Sumvitg-Cuntrin.

### **Nr. 42/2020**

Cadruvi Mattias, 7166 Trun; adattaziun da terren, diversas lavurs da manteniment entuorn il baghetg nr. 627A sin parcella nr. 4308 a Surrein-Runé.

### **Nr. 43/2020**

Baselgia Andreas, 7172 Rabius; colurar tschabergal dalla terrassa dils baghetgs nr. 489 e 489-A sin la parcella nr. 219 a Rabius-Rabius sur Via.

Sumvitg, 17-04-2020

*Cumissiu da baghegiar*

## **Scamond da far fiug**

Egl entir cantun vala naven dils 25 da mars 2020 tochen revocaziun in general scamond da far fiug. Buca pertuccada ei la zona da habitar, sche la distanza da 50 m tier igl uaul sa vegnir garantida.

Sin fundament dil virus da corona vegnan ils spitals sco era las organisaziuns da sustegn polizia, schurmetg civil, pumpiers ed il militar als cunfins dallas capacitads pusseivlas. Ord quei motiv ha la regenza ralaschau in general scamond da far fiug. Cun quella mesira duei la resca d'in incendi digl uaul ed ina surcargada dallas organisaziuns da sustegn vegnir minimada.

Sumvitg, 17-04-2020

*Suprastonza communal*

## **Mortori**

**Candinas Theodosius**, naschius ils 19-12-1929, morts ils 01-04-2020, staus sesents a Surrein.

Sumvitg, 17-04-2020

*Controlla da habitonts*

## **Via Plaunet – Aclas**

Ils 27 d'avrel 2020 vegn cuntinuau cun las lavurs da construcziun dalla via Plaunet – Aclas. Tenor plan da termins dueien las lavurs vegnir terminadas la fin october 2020.

Duront il temps da baghegiar resta la via serrada per tut il traffic naven da mintgamai

**gliendisdis dallas 07.00 entochen venderdis dallas 17.30 uras.**

Las find'jamnas ei la via per ordinari aviarta e carrabla sin atgna resca. Muort las lavurs sto la via denton mintgaton vegnir serrada per il traffic las find'jamnas. Quels datums ein aunc buca enconuschents. Entochen la mesjamna sera dallas 17.00 vegn mintgamai publicau sin [www.sumvitg.ch](http://www.sumvitg.ch) schebein la via ei serrada la find'jamna che suonda.

Per ulteriur sclariment stat l'administraziun communal (081 920 25 00) ni il biro d'inschignier Deplazes (081 943 25 60) bugen a Vossa disposiziun.

Nus supplichein per enconuschientscha e per Vossa capientscha.

Sumvitg, 17-04-2020

*Administraziun communal*

## **Curdeims da gronda dimensiun**

Muort il coronavirus vegn la rimnada da rufid bloccont dils 24-04-2020 spustada. Il niev datum dalla rimnada vegn communicaus a dretg temps. Bien engraziament per Vossa capientscha.

Sumvitg, 17-04-2020

*Departament ambient*

## **Serrada dalla via Sogn Benedetg:**

Muort lavurs da catram ei la via serrada sil tschancun Miraval, km 2.00 – km 2.30

**gliendisdis, ils 27 d'avrel 2020 naven dallas 07.00 uras entochen allas 12.00 uras.**

En cass da malaura sestauscha la serrada sil proxim di da bial'aura.

*Uffeci da construcziun bassa dil cantun, district 6, Glion  
Pius Cavegn 079 334 74 14*

## **Coronavirus**

Sco Vus haveis segirafranc gia intervegniu ha la Regenza dil cantun Grischun priu differentas mesiras per impedir la derasaziun dil coronavirus. Per las controllas dallas mesiras ein las vischnauncas responsablas.

Il stab da crisa dalla vischnaunca da Sumvitg ha priu enconuschientscha dallas mesiras e fa il pusseivel sin intschess dalla vischnaunca da Sumvitg per impedir la derasaziun dil virus.

En quei connex supplichescha il stab da crisa da risguardar ils cussegls pertuccont la higiena:

- tener distanza
- lavar da rudien ils mauns cun savun
- desister sin dar il maun
- sturnidar ni tuoscher en fazalet ni foppa dil cumbel
- cun tuos ni febra star a casa
- visitar il miedi ni staziun d'urgenza mo cun annunzia

Dapi ils 14 da mars 2020 ein tut las activitads d'uniuns scumandadas. Plinavon ein tut ils loghens da sediverti serrai. Nus supplichein da setener vid ils scamonds.

### **Administraziun communal**

Il spurtegl dall'administraziun communal resta pil mument serraus. Tuttas damondas all'administraziun ston succeder en emprema lingia per telefon ni e-mail. L'administraziun communal decida allura schebein ei drova in'audienza.

### **Agid per gruppas da resca**

Per persunas dalla gruppa da resca sco senior/as (65 +) ni persunas cun malsognas che duessan buca bandunar la casa che basegnan agid (p. ex. far cumissiuns, pagaments da banca, posta, viadis tier miedis etc.) porscha la vischnaunca agid. Talas persunas ein supplicadas da s'annunziar tier l'administraziun communal (081 920 25 00). La vischnaunca vegn a sestentar per procurar per in agid corrispudent.

Duront las proximas jamnas ei il stab crisa contonschibels duront 24 uras sin la numera 081 920 25 00. Ulteriuras informaziuns ein disponibilas sin las paginas d'internet [www.sumvitg.ch](http://www.sumvitg.ch) e [www.gr.ch](http://www.gr.ch).

*Cunquei che la situaziun dil virus sa semidar supplichien nus da cuntinuadamein s'informar.*

Nus supplichein per enconuschientscha e supplichein da risguardar las mesiras. Mo comunablamein savein nus impedir la derasaziun dil coronavirus.

Sumvitg, 17-04-2020

*Stab da crisa*

## **Radunonza generala da Sumvitg Turissem**

Muort il coronavirus ha la suprastonza da Sumvitg Turissem decidu da spustar la radunonza generala da Sumvitg Turissem sin igl atun 2020. Il datum dalla radunonza vegn communicaus a dretg temps. Bien engraziament per Vossa capientscha.

Sumvitg, 17-04-2020

*Sumvitg Turissem*

## **Rimanda da pupi**

Muort il coronavirus han las scolas da Sumvitg e Trun decidu da spustar la rimnada da pupi digl avrel 2020. Sche la situaziun lubescha, vegn la rimnada da pupi a haver liug el decuors dil meins zercladur 2020. Il datum dalla rimnada vegn communicaus a dretg temps. Bien engraziament per Vossa capientscha.

## **Vischinadi Surrein**

### **Nus fagein lavurs finalas vid il Plaz Cadruvi**

Serimnar: **Sonda, ils 18 d'avrel 2020**, allas 8.00

Prender cun: Zappun, pala ni risti-fier

Tuts fan atenziun da risguardar las instrucziuns ufficalas encunter il coronavirus.

Per damondas 079 623 11 35, cordial beinvegni fa *la suprastonza dil vischinadi*